



Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Na osnovu člana 33. i člana 48 stav1. Zakona o prostornom uređenju i građenju („Službene novine ZE – DO kantona“, broj: 1/14), člana 13. stav2.alineja 3. Zakona o principima lokalne samouprave u federaciji Bosne i Hercegovine („Službene novine FBiH broj: 49/06 i 51/09“) i člana 19. tačka 5. Statuta Općine Breza („Službeni glasnik Općine Breza“ broj 8/09 – Prečišćeni tekst), Općinsko vijeće Breza na sjednici održanoj dana 31.05.2017.godine, donosi :

**ODLUKU  
O STAVLJANJU VAN SNAGE  
ODLUKE O USVAJANJU IZMJENA I DOPUNA  
PROSTORNOG PLANA OPĆINE BREZA ZA PERIOD DO 2029 GODINE  
i  
ODLUKE O PROVOĐENJU IZMJENA I DOPUNA  
PROSTORNOG PLANA OPĆINE BREZA ZA PERIOD DO 2029 GODINE**

Član 1.

Stavljaju se van snage Odluke:

- Odluka o usvajanju Izmjena i dopuna Prostornog plana općine Breza za period do 2029. godine,
- Odluka o provođenju Izmjena i dopuna Prostornog plana općine Breza za period do 2029. godine,

objavljene 21.07 2016 godine u Službenom glasniku općine Breza broj 6/16.

Član 2.

Prijedlog Izmjena I dopuna Prostornog plana općine Breza za period do 2029. godine, razmatran prilikom donošenja Odluke o usvajanju iz prethodnog člana, postaje Nacrt Izmjena I dopuna Prostornog plana općine Breza za period do 2029. godine.

Prijedlog Odluke o provođenju Izmjena I dopuna Prostornog plana općine Breza za period do 2029. godine, razmatran prilikom donošenja Odluke o provođenju iz prethodnog člana, postaje Nacrt Odluke o provođenju Izmjena I dopuna Prostornog plana općine Breza za period do 2029. godine

Član3.

Nacrt Izmjena i dopuna Prostornog plana općine Breza za period do 2029. godine I Nacrt Odluke o provođenju Izmjena i dopuna Prostornog plana općine Breza za period do 2029. godine, se stavljaju na javni uvid I javnu raspravu u period od 05.06.2017 do 05.07.2017.

**Član 4.**

Javnu raspravu i javni uvid će, po proceduri utvrđenoj Zakonom o prostor-nom uređenju Zeničko-dobojskog kantona, sprovesti Služba za prostorno uređenje, zaštitu okolice, geodetske i imovinsko-pravne poslove općine Breza, u skladu sa Odlukom o pristupanju izradi izmjena I dopuna Prostornog plana općine Breza za period do 2029.

**Član 5.**

Ova Odluka stupa na snagu danom objavljivanja u Službenom glasniku općine Breza.

Broj: 01/1-02-1430/17  
Breza, 31.05.2017 godine

**PREDSJEDAVAJUĆI**  
Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Broj: 01/1-02-1444/17  
Breza, 31.05.2017. godine

U skladu sa odredbama članova 29., 72. i 112. stav (2) Zakona o socijalnoj zaštiti, zaštiti civilnih žrtava rada i zaštiti porodica sa djecom (*Službene novine Zeničko-dobojskog kantona brojevi 13/07, 13/11, 03/15 i 02/16*) a na osnovu člana 19. Statuta Općine Breza (*Službeni glasnik općine Breza broj 08/09 – prečišćeni tekst*), Općinsko vijeće Breza na sjednici održanoj 31.05.2017. godine donosi:

**O D L U K U**

**o kriterijima i postupku ostvarivanja prava iz oblasti socijalne zaštite porodica sa djecom i podsticanja nataliteta i prava na novčanu i drugu materijalnu pomoć pod povoljnijim uslovima na području Općine Breza**

**Član 1.**

(Predmet Odluke)

- (1) Ovom Odlukom utvrđuju se kriteriji i postupak za ostvarivanje prava na novčanu i drugu materijalnu pomoć pod povoljnijim uslovima, utvrđuju se korisnici prava iz oblasti socijalne zaštite, uslovi i postupak za ostvarivanje, korištenje i prestanak prava, način finansiranja novčanih i drugih materijalnih pomoći u skladu sa ovom Odlukom, nadležni organ za provođenje postupka i druga pitanja od značaja za primjenu ove Odluke, a sve u skladu sa Zakonom o socijalnoj zaštiti, zaštiti civilnih žrtava rada i zaštiti porodica sa djecom Zeničko-dobojskog kantona (*Službene novine Zeničko-dobojskog kantona brojevi 13/07, 13/11, 03/15 i 02/16*) i u skladu sa finansijskim mogućnostima Općine Breza.
- (2) Isplate novčanih pomoći koje su predmet ove Odluke vršit će se maksimalno do iznosa planiranog za navedenu namjenu u budžetu Općine Breza za svaku kalendarsku godinu.
- (3) Obaveze nastale po izdatim rješenjima o isplati novčane pomoći čije naknade nisu isplaćene u toku kalendarske godine prenose se u narednu kalendarsku godinu.

## Član 2.

(Prava na novčanu i drugu materijalnu pomoć pod povoljnijim uslovima)

- (1) Ovom Odlukom utvrđuju se prava na novčanu i drugu materijalnu pomoć u slučajevima kako slijedi:
- Jednokratna novčana pomoć porodicama u svrhu podsticanja nataliteta na području Općine Breza,
  - Jednokratna novčana pomoć bračnim parovima u svrhu liječenja steriliteta, i
  - Jednokratna novčana pomoć ili druga materijalna davanja pod povoljnijim uslovima licima koja se nađu u stanju socijalne potrebe.

## Član 3.

(Korisnici prava na ostvarivanje novčane i druge materijalne pomoći)

- (1) Pravo na ostvarivanje novčane i druge materijalne pomoći u skladu sa odredbama ove Odluke imaju lica i domaćinstva sa prebivalištem na području Općine Breza, i to porodilje, bračni parovi koji žele imati djecu u svrhu liječenja steriliteta i lica koja se nađu u stanju socijalne potrebe, a koja pravo na socijalnu pomoć ne ostvaruju ili ne mogu ostvariti u redovnom postupku prema uslovima iz Zakona o socijalnoj zaštiti, zaštiti civilnih žrtava rada i zaštiti porodica sa djecom Zeničko-dobojskog kantona (*Službene novine Zeničko-dobojskog kantona brojevi 13/07, 13/11, 03/15 i 02/16*), a koji se nađu u stanju socijalne potrebe u skladu sa uslovima i kriterijima ove Odluke.

## Član 4.

(Jednokratna novčana pomoć porodicama u svrhu podsticanja nataliteta)

- (1) Pravo na jednokratnu novčanu pomoć porodicama u svrhu podsticanja nataliteta ostvaruju nezaposlene porodilje, kao i porodilje koje su u radnom odnosu a čija mjesečna primanja ne prelaze iznos prosječne mjesečne plaće u Zeničko-dobojskom kantonu, neovisno o sjedištu poslodavca, na lični zahtjev ili po službenoj dužnosti i uz predočenje odgovarajućih dokumenata kojima se dokazuje ispunjavanje uslova iz ove Odluke.
- (2) Pravo na jednokratnu pomoć iz prethodnog stava ostvaruje se u slijedećim iznosima:

a) Za prvo i drugo novorođeno dijete	100,00 KM
b) Za treće novorođeno dijete	200,00 KM
c) Za četvrto novorođeno dijete	300,00 KM
d) Za peto novorođeno dijete	400,00 KM
e) Za šesto i svako naredno novorođeno dijete	500,00 KM
f) Za rođenje blizanaca	300,00 KM

## Član 5.

(Jednokratna novčana pomoć bračnim parovima u svrhu liječenja steriliteta)

- (1) Pravo na jednokratnu novčanu pomoć bračnim parovima u svrhu liječenja steriliteta ostvaruju bračni parovi koji žele imati djecu a koji iz opravdanih medicinskih razloga imaju poteškoće ili nemogućnost ostvarivanja roditeljstva prirodnim putem ili im je za ostvarivanje roditeljstva prirodnim putem potrebna odgovarajuća medicinska pomoć, na lični zahtjev ili po službenoj dužnosti, uz predočenje dokumentacije izdate od strane ovlaštene zdravstvene ustanove, kojom se dokazuje ispunjavanje uslova iz ove Odluke,

uz uslov da podnosioci zahtjeva nisu ranije ostvarili pravo na pomoć po ovom osnovu od strane Zavoda za zdravstvenog osiguranja Zeničko-dobojskog kantona, o čemu se pazi po službenoj dužnosti.

- (2) Jednokratna novčana pomoć iz prethodnog stava može se odobriti u visini do 2.000,00 KM u jednoj kalendarskoj godini bračnim parovima čiji mjesečni prihodi domaćinstva ne prelaze iznos od dvije prosječne mjesečne plaće isplaćene u Zeničko-dobojskom kantonu prema posljednjim objavljenim statističkim podacima.
- (3) Bračnim parovima čiji mjesečni prihodi domaćinstva prelaze iznos od dvije prosječne mjesečne plaće isplaćene u Zeničko-dobojskom kantonu prema posljednjim objavljenim statističkim podacima, može se odobriti jednokratna novčana pomoć iz stava (1) ovog člana u visini do 1.000,00 KM u jednoj kalendarskoj godini.

#### Član 6.

(Jednokratna novčana pomoć i druga materijalna pomoć pod povoljnijim uslovima)

- (1) Pravo na jednokratnu novčanu pomoć i drugu materijalnu pomoć pod povoljnijim uslovima ostvaruju lica koja se nađu u stanju opravdane socijalne potrebe zbog teške bolesti, dugotrajnog liječenja, kupovine lijekova, pomagala i drugih sredstava potrebnih za liječenje, te usljed nepredviđenih okolnosti kao što su iznenadni nesretni slučajevi u porodici, iznenadna smrt članova uže porodice, elementarnih nepogoda i drugih okolnosti koje mogu uzrokovati stanje socijalne potrebe kod lica, na lični zahtjev ili po službenoj dužnosti i uz predočenje dokumentacije kojom se dokazuje ispunjavanje uslova iz ove Odluke.
- (2) Jednokratna novčana pomoć iz prethodnog stava može se odobriti licu u stanju opravdane socijalne potrebe u skladu sa razlozima iz ove Odluke, jednom u toku kalendarske godine i kada je lice u toku te kalendarske godine pravo na socijalnu pomoć ostvarilo u skladu sa članovima 35. i 36. Zakona o socijalnoj zaštiti, zaštiti civilnih žrtava rada i zaštiti porodice sa djecom Zeničko-dobojskog kantona (*Službene novine Zeničko-dobojskog kantona brojevi 13/07, 13/11, 03/15 i 02/16*), kada postoje okolnosti iz prethodnog stava, a najviše u visini do 400,00 KM, samo ukoliko mjesečni prihodi po članu domaćinstva podnosioca zahtjeva ne prelaze iznos od 35% prosječne mjesečne plaće isplaćene u Zeničko-dobojskom kantonu, prema posljednjim objavljenim statističkim podacima.
- (3) Izuzetno od odredbi prethodnog stava, jednokratna novčana pomoć iz stava (1) ovog člana može se odobriti i licu u stanju opravdane socijalne potrebe u skladu sa razlozima iz ove Odluke, dva puta u toku jedne kalendarske godine kada to lice ne ispunjava uslove za priznavanje prava na pomoć u skladu sa članovima 35. i 36. Zakona o socijalnoj zaštiti, zaštiti civilnih žrtava rada i zaštiti porodice sa djecom Zeničko-dobojskog kantona (*Službene novine Zeničko-dobojskog kantona brojevi 13/07, 11/13, 03/15 i 02/16*), a najviše u visini do 400,00 KM po jednom slučaju, samo ukoliko mjesečni prihodi po članu domaćinstva podnosioca zahtjeva ne prelaze iznos od 35% prosječne mjesečne plaće isplaćene u Zeničko-dobojskom kantonu, prema posljednjim objavljenim statističkim podacima.

**Član 7.****(Način i postupak ostvarivanja prava)**

- (1) Postupak ostvarivanja prava utvrđenih u skladu sa ovom Odlukom provode službenici Javne ustanove Centar za socijalni rad Breza, po zahtjevu lica koje ima interes za ostvarivanje prava po ovoj Odluci, a postupak se može pokrenuti i po službenoj dužnosti.
- (2) Zahtjevi za ostvarivanje prava podnose se Javnoj ustanovi Centar za socijalni rad Breza.
- (3) Zahtjevi koji se budu podnosili u Općini Breza proslijedit će se službenim putem Javnoj ustanovi Centar za socijalni rad Breza kao stvarno nadležnom organu za rješavanje o pravima iz ove Odluke.
- (4) Uz zahtjev iz stava (2) ovog člana prilaže se i relevantna dokumentacija kojom se dokazuje ispunjavanje uslova iz ove Odluke, a koju će na osnovu kriterija i slučajeva utvrđenih ovom Odlukom propisati Javna ustanova Centar za socijalni rad Breza, a u slučaju prijema nepotpunog zahtjeva, stranka će se pozvati da isti dopuni potrebnim dokumentima i dokazima.
- (5) Javna ustanova Centar za socijalni rad Breza može i po službenoj dužnosti od nadležnih organa koji vode službene evidencije prikupljati dokumentaciju i dokaze potrebne za rješavanje o pravima iz ove Odluke, sve u cilju efikasnosti i ekonomičnosti postupka.
- (6) Javna ustanova Centar za socijalni rad Breza će po provedenom postupku donijeti obrazloženo rješenje kojim se podnosiocu zahtjeva priznaje pravo i utvrđuje visina novčane ili druge materijalne pomoći po ovoj Odluci ili kojim se zahtjev odbija kao neosnovan i jedan primjerak rješenja dostavlja Službi za finansije, inspekcijske poslove i opću upravu Općine Breza.
- (7) Na prvostepeno rješenje Javne ustanove Centar za socijalni rad Breza stranka može izjaviti žalbu, a po žalbi rješava Služba za finansije, inspekcijske poslove i opću upravu.
- (8) Na osnovu pravosnažnog rješenja kojim se licu priznaje pravo na novčanu i drugu materijalnu pomoć u skladu sa ovom Odlukom, Općinski načelnik odobrava transfer namjenskih novčanih sredstava na teret Budžeta Općine Breza, a u korist Javne ustanove Centar za socijalni rad Breza, koji vrši konačnu isplatu sredstava korisniku prava.

**Član 8.****(Osiguravanje sredstava za realizaciju Odluke)**

- (1) Realizacija ove Odluke vrši se na teret sredstava Budžeta Općine Breza, u skladu sa mogućnostima i planiranom visinom sredstava za ove namjene.
- (2) Materijalne troškove za realizaciju ove Odluke planira Javna ustanova Centar za socijalni rad Breza u okviru godišnjeg finansijskog plana.

Član 9.  
(Prelazne i završne odredbe)

- (1) Ova Odluka stupa na snagu 8 (osam) dana od dana objavljivanja u Službenom glasniku Općine Breza. Ova Odluka objavit će se na oglasnim pločama u Organu i Javnoj ustanovi Centar za socijalni rad Breza.
- (2) Stupanjem na snagu ove Odluke prestaje sa važenjem Odluka o dodjeli jednokratne novčane pomoći porodiljama sa područja Općine Breza broj 01/2-05-596/14 od 21.03.2014. godine, objavljena u Službenom glasniku Općine Breza broj 4/14.

**DOSTAVLJENO:**

1x Služba za finansije, insp. pos. i opću upravu  
1x JU Centar za socijalni rad Breza,  
1x 01/1,  
1x Arhiva

**PREDSJEDAVAJUĆI**

Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinsko vijeće

Na osnovu člana 13. stav 2. tačka 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. tačka 5. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17), člana 19. tačka 7. i člana 101. stav 3. Statuta Općine Breza („Službeni glasnik Općine Breza“, broj: 8/09), Općinsko vijeće Breza na sjednici održanoj dana 31.05.2017 godine, donosi

**ODLUKU**  
**o dodjeli u zakup poslovne prostorije u zgradi „Radnički dom“**

Član 1.

Dodjeljuju se u zakup poslovna prostorija na kojoj pravo raspolaganja ima Općina Breza, a koja se nalazi u zgradi „Radnički dom“ u Brezi, ul. Titova bb., Udruženju građana Kulturno-umjetničko društvo „Breza“ iz Breze i to:

- prostorija na spratu zgrade, površine od 24,75 m<sup>2</sup>

Član 2.

Za prostoriju iz član 1. ove Odluke, zakupac je obavezan plaćati zakupninu u iznosu od 1 KM/m<sup>2</sup> prostorije (mjesečni iznos).

Član 3.

Poslovna prostorije iz člana 1. ove Odluke, dodjeljuju se u zakup Udruženju građana Kulturno-umjetničkom društvu „Breza“, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

Član 4.

Ovlašćuje se Općinski načelnik da sa zakupcem Udruženje građana Kulturno-umjetničko društvo „Breza“, zaključi Ugovor o zakupu poslovne prostorije, kojim će se na detaljniji način regulisati prava i obaveze ugovornih strana.

**Član 5.**

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1428/17  
Breza, 31.05.2017. godine

**PREDSJEDAVAJUĆI**  
Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Na osnovu člana 13. stav 2. tačka 5. Zakona o principima lokalne samouprave („Službene novine Federacije BiH“, broj: 49/06 i 51/09), člana 19. stav 1. tačka 5. Odluke o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17), člana 19. tačka 7. i člana 101. stav 3. Statuta Općine Breza ("Službeni glasnik Općine Breza", broj: 8/09), Općinsko vijeće Breza na sjednici održanoj dana 31.05.2017 godine, donosi

**O D L U K U****o dodjeli u zakup poslovnih prostorija u zgradi „Radnički dom“****Član 1.**

Dodjeljuju se u zakup poslovne prostorije na kojima pravo raspolaganja ima Općina Breza, a koje se nalaze u zgradi „Radnički dom“ u Brezi, ul. Titova bb., Udruženju građana Omladinski centar „Desnek“ iz Breze i to:

- prostorija u prizemlju zgrade, površine od 34,48 m<sup>2</sup>
- hol u prizemlju i prostorija, površine od 39,05 m<sup>2</sup>
- WC u prizemlju, u površini od 10,56 m<sup>2</sup>

**Član 2.**

Prostorije velike sale Radničkog doma, u površini od 140 m<sup>2</sup> zajednički će koristiti Općina Breza i Udruženje građana Omladinski centar „Desnek“.

**Član 3.**

Za prostorije iz član 1. ove Odluke, zakupac je obavezan plaćati zakupninu u iznosu od 1 KM/m<sup>2</sup> prostorije (mjesečni iznos).

**Član 4.**

Poslovne prostorije iz člana 1. ove Odluke, dodjeljuju se u zakup Udruženju građana Omladinski centar „Desnek“, na period od 12 (dvanaest) mjeseci, počev od dana zaključenja Ugovora o zakupu poslovnih prostorija.

**Član 5.**

Ovlašćuje se Općinski načelnik da sa zakupcem Udruženje građana Omladinski centar „Desnek“, zaključi Ugovor o zakupu poslovni prostorija, kojim će se na detaljniji način regulisati prava i obaveze ugovornih strana.

**Član 6.**

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: 01/1-02-1429/17  
Breza, 31.05.2017. godine

**PREDSJEDAVAJUĆI**  
Općinskog vijeća  
Vedad Jusić, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Broj: 01/1-02-1417/17  
Breza, 31.05.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Izvještaja o radu Općinskog načelnika i službi za upravu za 2016. godinu, Općinsko vijeće Breza na sjednici održanoj dana 31.05.2017. godine, donosi

**ZAKLJUČAK**

I

USVAJA SE Izvještaj o radu Općinskog načelnika i službi za upravu za 2016. godinu.

II

Zaključak će se objaviti u „Službenom glasniku Općine Breza.

Dostavljeno:  
1x Općinski načelnik  
3x Pomoćnici Općinskog načelnika,  
1x 01/1,  
1x a/a

**REDSJEDAVAJUĆI**  
Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće

Broj: 01/1-02-1386/17  
Breza, 31.05.2017.godine

Na osnovu člana 115. stav 3. Statuta Općine Breza ("Službeni glasnik Općine Breza", broj: 10/07 i 5/08) prilikom razmatranja Izvještaja o redovnom održavanju cesta i objekata u zimskim u vjetima za 2016/1017. godinu, Općinsko vijeće Breza na sjednici održanoj dana 31.05.2017. godine, donosi



**Z A K L J U Č A K**

I

USVAJA SE Izvještaja o redovnom održavanju cesta i objekata u zimskim uvjetima za 2016/1017.

II

Zaključak će se objaviti u „Službenom glasniku Općine Breza.

Dostavljeno:  
1x Služba civilne zaštite,  
1x 01/1,  
1x a/a

**PREDSJEDAVAJUĆI**  
Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće  
Broj: 01/1-02-1423/17  
Breza, 31.05.2017.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja Izvještaja o izvršenju Budžeta Općine Breza za period 01.01.2017 do 31.03.2017.godine, Općinsko vijeće Breza na sjednici održanoj dana 31.05.2017.godine, d o n o s i

**Z A K L J U Č A K**

I

USVAJA SE Izvještaj o izvršenju Budžeta Općine Breza za period 01.01.2017 do 31.03.2017.godine

II

Zaključak objaviti u „Službenom glasniku Općine Breza“.

Dostavljeno:  
1x Općinski načelnik,  
1x Služba za finan.inspek.posl. i opću. upr .  
1x 01/1,  
1x a/a.

**PREDSJEDAVAJUĆI**  
Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće  
Broj: 01/1-02-1427/17  
Breza, 31.05.2017.godine

Na osnovu člana 115. Statuta Općine Breza (“Službeni glasnik Općine Breza”, broj: 8/09 – Prečišćeni tekst) prilikom razmatranja pisma namjere upućeno od strane EKO KRUG d.o.o Breza Općinsko vijeće Breza na sjednici održanoj dana 31.05.2017.godine, donosi

**Z A K L J U Č A K**

I

DAJE SE PODRŠKA pismu namjere upućeno od strane EKO KRUG d.o.o Breza .

II

Da se za narednu sjednicu Općinskog vijeća pripremiti Odluku o dodjeli SRC „ADA“ u Brezi na privremeno korištenje i čuvanje.

III

Zaključak objaviti u „Službenom glasniku Općine Breza“.

Dostavljeno:

**PREDSJEDAVAJUĆI**  
Općinskog vijeća  
Jusić Vedad, s.r.

1x EKO KRUG d.o.o Breza,  
1x Općinski načelnik,  
1x Služba za prostorno uređenje,  
1x 01/1,  
1x Arhiva

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinsko vijeće  
Broj: 01/1-02-655/7  
Breza, 12.04.2017.godine

Na osnovu člana 115. stav 3. Statuta Općine Breza (“Službeni glasnik Općine Breza”, broj: 10/07 i 5/08) prilikom razmatranja Informaciji o stanju komunalne djelatnosti prikupljanja ,odvoza i deponovanja otpada na području Općine Breza, Općinsko vijeće Breza na tematskoj sjednici održanoj dana 12.04.2017. godine, donosi

**Z A K L J U Č A K**

I

Da se nastavi sa mjere za postizanje Operativnih ciljeva, a time i navedenog strateškog cilja trajnog rješavanja problema upravljanja otpadom na području općine Breza, a koje su utvrđene Zakonom i podzakonskim aktima.

- Iznalaženje lokacije za reciklažno dvorište i opremanje istog sa potrebnom infrastrukturom,
- Iznalaženje lokacije/lokacija za odlaganje inertnog otpada,
- Stavljanje u funkciju postojećih zelenih otoka (otoci koji imaju urbanističku saglasnost),
- Organizovanje i opremanje zelenih otoka i na ostalim područjima općine Breza,
- Nabavka kamiona smećara,
- Proširenje obuhvata prikupljanja otpadom na cijelo područje Općine Breza,
- Edukacija korisnika komunalnih usluga (u smislu smanjenja količina otpada i načina odlaganja otpada),

- Izvršiti Izmjene i dopune Odluke o komunalnom redu – Poglavlje IV sakupljanje, odvoz i postupanje sa sakupljenim otpadom (Izmjenama normirati odvojeno prikupljanje otpada i utvrditi kaznene odredbe za kršenje istih),
- Donijeti novu Odluku o cijenama komunalne usluge prikupljanja, odvoza i deponovanja otpada (Cijene utvrditi po jedinici zapremine odloženog otpada po pojedinim vrstama otpada).
- da nadležna općinska služba u roku od 30 dana pripremiti određenu dokumentaciju sa prijedlogom 3-4 lokacije za reciklažno dvorište.

**II**

Da se nastave aktivnosti na sanaciji postojeće deponije i njeno zatvaranje bez daljeg odlaganja otpada na PK Koritnik.

**III**

Zadužuje se Općinski načelnik da u saradnji sa menadžmentom JP Komunalno d.o.o. Breza, iznađe mogućnost privremenog odlaganja otpada.

**IV**

Za realizaciju tačke I i II zadužuje se Služba za privredu i menadžmenta JP Komunalno d.o.o. Breza.

**V**

Zaključak stupa na snagu danom donošenja a naknadno će se objaviti u „Službenom glasniku“ Općine Breza.

Dostavljeno:

1x Služba za privredu,  
1x Općinski načelnik Općine Breza  
1x JP Komunalno d.o.o. Breza,  
1x 1/1,  
1x a/a

**PREDSJEDAVAJUĆI**  
Općinskog vijeća  
Jusić Vedad, s.r.

---

Bosna i Hercegovina  
Federacija Bosne i Hercegovine  
Zeničko-dobojski kanton  
OPĆINA BREZA  
Općinsko vijeće  
Broj: 01/1-02-1507/17  
Breza, 31.05.2017. godine

Na osnovu članova 1., 12. i 13. Zakona o ministarskim, vladinim i drugim imenovanjima Federacije Bosne i Hercegovine (*Službene novine Federacije Bosne i Hercegovine brojevi 12/03 i 65/13*), članu 12. Odluke o zadržavanju prava i obaveza osnivača prema JU Opća biblioteka Muhamed Kantardžić Breza (*Službeni glasnik Općine Breza broj 09/99*) i na osnovu članova 19. i 115. Statuta Općine Breza (*Službeni glasnik općine Breza broj 08/09 – prečišćeni tekst*), na prijedlog Općinskog načelnika, Općinsko vijeće Općine Breza na redovnoj sjednici održanoj dana 31.05.2017. godine, donosi slijedeće:

**RJEŠENJE**

**o konačnom imenovanju članova Upravnog odbora  
Opće biblioteka „Muhamed Kantardžić“ Breza**

U Upravni odbor Opće biblioteke „Muhamed Kantardžić“ Breza imenuju se članovi Upravnog odbora, i to:

1. Munib Šabić, predsjednik
2. Ivona Cvjetković, član
3. Haris Dedić, član

Imenovani iz prethodnog stava imenuju se na period od 4 godine počev od dana donošenja ovog Rješenja.

Prava, obaveze i odgovornosti vršioca dužnosti članova Upravnog odbora Opće biblioteke Muhamed Kantardžić Breza regulirana su odredbama Uredbe sa zakonskom snagom o ustanovama Bosne i Hercegovine i Pravilima Opće biblioteke „Muhamed Kantardžić“ Breza.

Ovo Rješenje stupa na snagu danom donošenja i objavit će se u „Službenom glasniku Općine Breza“.

Dostavljeno:

**PREDSJEDAVAJUĆI**  
Općinskog vijeća  
Vedad Jusić, s.r.

3x Upravnom odboru  
1x Opća biblioteka  
„Muhamed Kantardžić“ Breza  
1x 01/1  
1x Arhiva

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinsko vijeće

Broj: 01/1-02-1508/17  
Breza, 31.05.2017. godine

Na osnovu članova 1., 12. i 13. Zakona o ministarskim, vladinim i drugim imenovanjima Federacije Bosne i Hercegovine (*Službene novine Federacije Bosne i Hercegovine brojevi 12/03, 34/03 i 65/13*), člana 64. Zakona o zdravstvenoj zaštiti Federacije Bosne i Hercegovine (*Službene novine Federacije Bosne i Hercegovine broj 46/10*), člana 12. Odluke o preuzimanju osnivačkih prava nad Javnom ustanovom Dom zdravlja Breza (*Službeni glasnik Općine Breza 09/11*), člana 32. Statuta Javne ustanove Dom zdravlja Breza broj 01-394/2012 od 13.07.2012. godine i na osnovu članova 19. i 115. Statuta Općine Breza (*Službeni glasnik općine Breza broj 08/09 – prečišćeni tekst*), na prijedlog Općinskog načelnika, Općinsko vijeće Općine Breza na redovnoj sjednici održanoj dana 31.05.2017. godine, donosi slijedeće:

### **R J E Š E N J E**

#### ***o konačnom imenovanju članova Upravnog odbora JU Dom zdravlja Breza***

U Upravni odbor Javne ustanove Dom zdravlja Breza imenuju se članovi Upravnog odbora, i to:

1. Fikret Salčinović, predsjednik
2. Kenan Muratović, član
3. Sanela Redžić, član

Imenovani iz prethodnog stava imenuju se na period od 4 (četiri) godine počev od dana donošenja ovog Rješenja.

Prava, obaveze i odgovornosti članova Upravnog odbora Javne ustanove Dom zdravlja Breza regulirana su odredbama Zakonom o zdravstvenoj zaštiti u Federaciji Bosne i Hercegovine (Službene novine Federacije Bosne i Hercegovine broj 46/10) i Statutom Javne.

Ovo Rješenje stupa na snagu danom donošenja i objavit će se u Službenom glasniku Općine Breza.

*Dostavljeno:*

3x Upravnom odboru  
1x JUDom zdravlja Breza  
1x 01/1  
1x Arhiva

**PREDSJEDAVALA**  
*Općinskog vijeća*  
Vedad Jusić, s.r.

---

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinsko vijeće

Broj: 01/1-02-1509/17  
Breza, 31.05.2017. godine

Na osnovu članova 1., 12. i 13. Zakona o ministarskim, vladinim i drugim imenovanjima Federacije Bosne i Hercegovine (*Službene novine Federacije Bosne i Hercegovine brojevi 12/03 i 65/13*), člana 8. Odluke o zadržavanju prava osnivača prema Javnoj ustanovi za predškolsko obrazovanje i vaspitanje Umihana Čuvidina Breza broj 01/1-023-174/96 od 24.05.1998. godine i na osnovu članova 19. i 115. Statuta Općine Breza (*Službeni glasnik općine Breza broj 08/09 – prečišćeni tekst*), na prijedlog Općinskog načelnika, Općinsko vijeće Općine Breza na redovnoj sjednici održanoj dana 31.05.2017. godine donosi slijedeće:

### **R J E Š E N J E**

#### **o konačnom imenovanju članova Upravnog odbora JU Obdanište „Umihana Čuvidina“ Breza**

U Upravni odbor Javne ustanove Obdanište „Umihana Čuvidina“ Breza imenuju se članovi Upravnog odbora, i to:

1. Melisa Kovačević, predsjednik
2. Enesa Mujkić, član
3. Almira Jusić-Bašić, član

Imenovani iz prethodnog stava imenuju se na period od 4 (četiri) godine od dana donošenja ovog Rješenja.

Prava, obaveze i odgovornosti vršioca dužnosti članova Upravnog odbora Javne ustanove Obdanište Umihana Čuvidina Breza regulirana su odredbama Uredbe sa zakonskom snagom o ustanovama Bosne i Hercegovine i Pravilima Javne ustanove Obdanište Umihana Čuvidina Breza.

Ovo Rješenje stupa na snagu danom donošenja i objavit će se u „Službenom glasniku Općine Breza“.

*Dostavljeno:*

*3x Upravnom odboru  
1x JU Obdanište „Umihana Čuvidina“  
Breza  
1x 01/1  
1x Arhiva*

*PREDSJEDAVAJUĆI  
Općinskog vijeća  
Vedad Jusić, s.r.*

Bosna i Hercegovina  
Federacija Bosne i Hercegovine  
Zeničko-Dobojski Kanton  
OPĆINA BREZA  
Općinsko vijeće

Na osnovu člana 4. Zakona o prekršajima Federacije Bosne i Hercegovine („Službene novine FBiH”, broj 31/06), člana 12. Zakona o javnom redu i miru Zeničko-dobojskog kantona („Službene novine Zeničko-dobojskog kantona”, broj 8/2000, 15/03, 11/07 i 8/08), člana 19. stav 1. tačke 25. Statuta Općine Breza –Prečišćeni tekst („Službeni glasnik Općine Breza”, broj: 8/09), člana 126. Poslovnika o radu Općinskog vijeća Breza –Prečišćeni tekst („Službeni glasnik Općine Breza”, broj: 3/11), Komisija za Statut i propise Općinskog vijeća Breza na sjednici održanoj 05.06.2017.godine, utvrđuje

## **ODLUKU o javnom redu i miru (Prečišćeni tekst)**

### **I – OPĆE ODREDBE**

#### **Član 1.**

Ovom Odlukom propisuju se prekršaji kojima se povređuje javni red i mir na području Općine Breza, a koji nisu obuhvaćeni odredbama Zakona o javnom redu i miru, koje čine pojedinci, privredna društva, organizacije, zajednice i udruženja građana, svojim postupcima i ponašanjem kojima se remeti normalan način života i rada građana, ometa mir, odmor i pravilno korištenje javnih objekata ili na drugi sličan način narušava javni red i mir, te propisuju sankcije za te prekršaje.

#### **Član 2.**

Pod javnim mjestom u smislu ove Odluke podrazumjeva se svako mjesto na koje je dozvoljen slobodan pristup pojedinačno neodređenim licima bez bilo kakvih uslova ili pod određenim uslovima.

### **II – POSEBNE ODREDBE**

#### **Član 3.**

Povredu javnog reda i mira u smislu ove Odluke čine postupci i ponašanja kao što su:

1. unošenje i točenje alkoholnih pića za vrijeme održavanja sportskih i kulturnih manifestacija u objektima ili prostorijama u kojima se održavaju ovakvi skupovi,
2. proricanje sudbine, tumačenje snova i bavljenje sličnim obmanama,
3. neovlašteno premještanje, oštećenje ili korištenje suprotno njihovoj namjeni posuda za otpatke i klupa po parkovima, šetalištima i drugim mjestima,
4. korištenje za sjedenje ivica trotoara, prostora i površina ili prodaja robe ispred prodavnica, kioska i ugostiteljskih objekata ili vršenje prodaje robe na trotoaru,
5. zlostavljanje ili na drugi surov i nehuman način postupanje sa životinjama na javnom mjestu, kojim se izaziva uznemiravanje i negodovanje građana,
6. uvođenje ili omogućavanje uvođenja bilo koje životinje u ugostiteljski objekat ili drugi javni objekat, izuzev pasa vodiča za slijepce i slabovidne osobe,
7. držanje opasnih životinja na način kojim se može ugroziti život i zdravlje građana kao i neisticanje vidnih upozorenja na opasnost od takvih životinja,
8. vođenje opasne životinje i pri tome nepoduzimanje potrebnih mjera zaštite kako se nebi ugrozila bezbjednost drugih lica (vezivanjem i stavljanjem odogovarajućih zaštitnih sredstava-brnjica, korpa i drugog),
9. pisanje, šaranje i oštećenje zidova i stubišta stambenih, poslovnih, vjerskih, sportskih, kulturnih i drugih objekata,
10. stavljanje na zidove zgrada, ispred zgrada i ograde predmeta koji mogu povrijediti ili uprljati prolaznike, kao i bacanje čaša, flaša, smeća i sličnih predmeta na javne površine,
11. stvaranje buke pojačanim radom motornog vozila, prijevozom, utovarom i istovarom robe i drugih predmeta, upotrebom sirena, sječenjem i rezanjem drva i drugih drvenih i metalnih predmeta, odnosno upotrebom uređaja i aparata koji u svom radu koriste pravna i fizička lica prilikom obavljanja određene djelatnosti u vremenu od 22,00 do 06,00 sati zimi, kao i ljeti od 23,00 do 06,00 sati,
12. izvođenje muzike ili upotrebljavanje uređaja za reprodukciju i pojačanje zvuka u ugostiteljskim objektima duže od radnog vremena koje je utvrđeno Odlukom o radnom vremenu, te u toku radnog vremena na način kojim se uznemiravaju građani na otvorenom prostoru ili u svojim stanovima, suprotno Pravilniku o dozvoljenim granicama intenziteta zvuka i šuma (Službeni list SRBiH", broj 46/89),
13. izvođenje muzike i upotrebljavanje uređaja za reprodukciju i povećanje zvuka u baštama ugostiteljskih objekata u vremenu od 22,00 do 06,00 sati zimi i ljeti od 23,00 do 06,00 sati, osim za vrijeme vjerskih obreda ili manifestacija, koje se organizuju povodom državnih i vjerskih praznika, održavanje javnih priredbi i izvođenje takvog programa na otvorenom prostoru i drugim prostorima, uz odobrenje nadležnog organa,
14. igranje nogometa, košarke, tenisa i drugih igara na ulicama, trgovima, parkovima, zelenim i drugim javnim površinama, koje nisu namijenjene za tu svrhu ili u ograđenim površinama, prostorima bez dozvole vlasnika,
15. kupanje na javnim kupalištima, bazenima, rijekama i potocima bez kupaće odjeće, kao i hodanje u kupačkoj odjeći u naseljenim mjestima,
16. uznemiravanje građana upotrebom zvona, kucanjem i udaranjem na vrata stana,
17. stvaranje gužve guranjem ili na drugi način ispred prodavnica, preduzeća, autobuskih stanica, pijaca, sportskih objekata, organizacija i drugo,
18. prskanje prolaznika vodom i prljavštinom ispod točkova vozila u pokretu,
19. vršenje bludnih radnji na javnom mjestu,
20. gaženje, čupanje ili otuđenje sadnica cvijeća i drugog rastinja na javnim površinama,
21. neovlaštenu prodaju i postavljanje štandova, grilova i drugih objekata suprotno općinskoj odluci,

22. uništavanje javne telefonske govornice, javne rasvjete, PTT i elektromreže,
23. lijepljenje parola, plakata i dr. koje su provokativnog karaktera,
24. neovlašteno ulaženje u ograđeni prostor i prostorije preduzeća i drugih pravnih lica, odnosno vršioca samostalne djelatnosti na način koji je suprotan pravilima njihove unutrašnje organizacije,
25. bacanje smeća ili drugih predmeta sa balkona zgrada čime se ugrožava sigurnost lica i imovine,
26. namjerno paljenje smeća, guma i drugog sličnog materijala u kontejnerima i drugim prostorima,
27. konzumiranje alkoholnih pića izvan ugostiteljskih objekata na ulici, trgu, parkovima, spomenicima, pijaci, autobusnoj i željezničkoj stanici, u prevoznom sredstvu javnog saobraćaja, ispred trgovačkih radnji i sl.,
28. nepoštivanje Odluke o kućnom redu u stambenim, školskim i drugim zgradama i objektima, odnosno Odluke o uslovima i načinu korištenja javnih dvorana i sportskih objekata,
29. točenje alkoholnih pića u ugostiteljskim objektima kao i prodaju alkoholnih pića u trgovačkim radnjama osobama ispod 18 godina stosti,
30. ležanje ili spavanje na ulici, putu, klupama u parkovima, čekaonicama, autobuskim stajalištima, pod mostovima i sličnim mjestima,
31. bacanje raznih materijala i predmeta (led, snijeg, kamenje i druge predmete) na prolaznike, vozila i druga prijevozna sredstva kojima se mogu nanijeti povrede i materijalna šteta,
32. prskanje prolaznika šmrkovima prilikom pranja ulica, trotoara, zalijevanja travnjaka ili vrtova kao i bacanje grudvi na građane (prolaznike i sl.),
33. ometanje težih invalida, izrazito starijih i iznemoglih lica, trudnica i lica sa djecom do 5 godina starosti da ostvaruju pravo prvenstva pri ulasku u prodajne, kulturne, sportske i druge objekte, autobuske stanice i sl.
34. neovlaštenu marketinšku prodaju suprotno internim odlukama o zabrani prodaje u javnim ustanovama i institucijama,
35. paljenje i bacanje petardi ili drugih pirotehničkih sredstava na javnim mjestima,
36. neovlašteno izvođenje radova na električnim i telefonskim mrežama u stambenim zgradama za čije je izvođenje potrebno odobrenje i saglasnost nadležnog organa,
37. namjerno zatrpavanje kanala za odvod površinskih voda,
38. neovlašteno uklanjanje zaštita na otvorima za vodovod i kanalizaciju (šahtovi) i nevraćanje na svoje mjesto od strane ovlaštenog radnika nakon izvršenog pregleda čime se dovode u opasnost građani (prolaznici),
39. pristup maloljetnim licima klubovima za igre na sreću na automatima.
40. neovlašteno puštanje domaćih životinja na privatne posjede bez saglasnosti vlasnika odnosno posjednika

#### Član 4.

Za učinjeni prekršaj maloljetnika protiv javnog reda i mira propisanog ovom odlukom odgovara roditelj, usvojilac odnosno staratelj maloljetnika koji je učinio prekršaj ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su da takav nadzor vrše.

#### Član 5.

Policijska stanica Breza može izdati odobrenje za izvođenje muzike i upotrebu uređaja za reprodukciju muzike ili pojačala zvuka u naselju na otvorenom prostoru kao i ugostiteljskim objektima, pod uslovom da jačina zvuka ne prelazi dozvoljenu buku i to:



- u zatvorenim prostorijama i baštama ugostiteljskih objekata do kraja radnog vremena, a najduže do 23,00 sati u ljetnom, a u zimskom periodu do 22,00 sata.
- u barovima do kraja radnog vremena.
- za vrijeme društveno organizovanih manifestacija, državnih praznika, vjerskih obreda i manifestacija može se izdati posebno odobrenje za izvođenje muzike do kraja radnog vremena.

U odobrenju će se navesti rok važenja i mjere koje korisnik mora preduzimati radi održavanja javnog reda i mira i zaštite od buke.

Policijska stanica Breza može izdato odobrenje staviti van snage, ako se njegov korisnik ne pridržava propisa o javnom redu i miru ili propisa o zaštiti od buke.

#### Član 6.

Policijska stanica Breza može zabraniti upotrebu sredstava za pojačanje zvuka u naselju na otvorenom prostoru, odnosno izvođenje muzike i upotrebu sredstava za reprodukciju i pojačanje zvuka u ugostiteljskom objektu, ako to zahtjevaju interesi javne bezbjednosti.

#### Član 7.

Za vrijeme manifestacija, sajmova, priredbi, prigodnih skupova i slično, kada nadležni organ svojim aktom određuje radno vrijeme i dozvoljava upotrebu muzike, prekršajem se smatra upotreba muzike nakon tako regulisanog radnog vremena.

### III – NADZOR

#### Član 8.

Nadzor nad provođenjem ove odluke vršit će Policijska stanica Breza i općinska komunalna i druga nadležna inspekcija, shodno odredbama Zakona o prekršajima FBiH (“Službene novine FBiH”, broj 31/06).

### IV – KAZNE ODREDBE

#### Član 9.

Novčanom kaznom od 20,00 KM do 1.000,00 KM kaznit će se fizičko lice ako učini prekršaj iz člana 3. ove Odluke.

Novčanom kaznom od 50,00 KM do 2.000,00 KM kaznit će se odgovorno lice u pravnom licu, odnosno obrtnik, ako učini prekršaj iz člana 3. tačka 1., 11., 12., 13., 21., 29., 32., 34., 36., 38., 39. i 40. ove Odluke.

Novčanom kaznom od 500,00 KM do 7.000,00 KM kaznit će se pravno lice za učinjeni prekršaj iz prethodnog stava.

#### Član 10.

Za učinjeni prekršaj sud može izreći zaštitne mjere propisane Zakonom o prekršajima Federacije Bosne i Hercegovine (“Službene novine FBiH”, broj: 31/06).

**V – ZAVRŠNE ODREDBE**

## Član 11.

Stupanjem na snagu ove Odluke, prestaje da važi Odluka o javnom redu i miru („Službeni glasnik Općine Breza“, broj: 5/07), Odluka o o dopuni Odluke o javnom redu i miru („Službeni glasnik Općine Breza“, broj: 7/14).

Prečišćeni tekst ove Odluke obuhvata Odluku o javnom redu i miru („Službeni glasnik Općine Breza“, broj: 5/07) i Odluka o o dopuni Odluke o javnom redu i miru („Službeni glasnik Općine Breza“, broj: 7/14)

## Član 12.

Ova Odluka stupa na snagu osmog dana od dana objavljivanja u “Službenom glasniku Općine Breza”.

Broj:01/1-02-1353/17  
Breza, 05.06.2017 godine

PREDSJEDNIK KOMISIJE  
ZA STATUT I PROPISE  
Kovačević Azra, dipl. pravnik, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
**Općina Breza**  
Općinski načelnik  
Služba za privredu

Broj: 02/1- 27 - 1572/17  
Breza, 06.06.2017. godine

Na osnovu člana 24. Zakona o cestovnom prijevozu FBiH (Službene novine FBiH“ broj: 28/06, 2/10) i člana 5. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine FBiH“ broj: 79/13, 91/14, 98/14 i 84/15) u skladu sa Rješenjem o pokretanju postupka usklađivanja i registracije redova vožnje za linijski prevoz putnika na području općine Breza za 2018.-2021. godinu (Broj: 01/2-27-1568/17 od 06.06.2017. godine ) pomoćnik načelnika r a s p i s u j e

**JAVNI OGLAS****o pokretanju postupka usklađivanja i registracije redova vožnje za linijski prijevoz putnika na općinskim autobusnim linijama**

1. Pokreće se postupak prikupljanja zahtjeva, sa propisanom dokumentacijom, za usklađivanja općinskih redova vožnje na području općine Breza za registracioni period 2018/2021. godina.

2. Pozivaju se svi zainteresovani prijevoznici koji imaju registrovane općinske redove vožnje i žele ih održavati u narednom registracionom periodu, kao i prijevoznike koji žele predložiti novi red ili redove vožnje za postupak usklađivanja općinskih redova vožnje, da podnesu zahtjev za usklađivanje redova vožnje i dostave propisanu dokumentaciju za postupak

usklađivnja u skladu sa članom 8., 9. i 11 Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra (u daljem tekstu: Pravilnik).

3. Uz zahtjev prijevoznik je dužan dostaviti sljedeću validnu dokumentaciju propisanu odredbom člana 8. i člana 11. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službene novine Federacije BiH", broj: 79/13, 91/14, 98/14 i 84/15), ( u daljem tekstu: Pravilnik) kako slijedi:

A)

- Spisak starih redova vožnje
- Spisak starih redova vožnje sa promjenom
- Spisak starih redova vožnje sa statusnom promjenom
- Spisak novih redova vožnje
- Prijedloge redova vožnje

Prijedlozi redova vožnje koji se dostavljaju na usklađivanje moraju biti urađeni na propisanim obrascima iz Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“ broj: 79/13, 91/14, 98/14 i 84/15),

B)

- Licencu „A“ za obavljanje javnog linijskog prijevoza putnika za prijevoznika ili potvrdu nadležnog kantonalnog organa koji izdaje licencu– ovjerena kopija,
- Potvrde ili uvjerenja da prijevoznik ispunjava obaveze u pogledu plaćanja javnih prihoda (indirektni i direktni porezi i doprinosi za radnike) izdate od strane nadležne poreske uprave ili potpisan Sporazum o plaćanju pristiglih obaveza na rate i Potvrdu da prijevoznik istu redovno izmiruje. Datum do kog su izmireni javni prihodi ili izmirena obaveza iz sklopljenog Sporazuma ne može biti stariji od 90 dana u odnosu na dan objave javnog oglasa za podnošenje dokumentacije u „Službenom glasniku Općine Breza“;
- Rješenje o upisu poslovnog subjekta u sudski registar sa spiskom registrovanih djelatnosti, koje ne može biti starije od 40 dana od dana objave javnog oglasa u „Službenom glasniku Općine Breza“– ovjerena kopija;
- Uvjerenje o poreskoj registraciji – ID broj i dokaz o prijavi Upravi za indirektno oporezivanje – PDV broj;
- Spisak uposlenih vozača ovjeren od strane FZPIO/MIO;
- Važeća rješenja o ispunjavanju tehničko-eksploatacionih uslova za sve autobuse koje posjeduje–ovjerena kopija,
- Ovjerenu kopiju važećeg zaključenog ugovora o osiguranju putnika od posljedica nesretnog slučaja ili potvrdu osiguravajuće kuće da je taj ugovor zaključen ili ovjerenu kopiju zaključene police osiguranja za pojedinačno vozilo-autobus;
- Dokaz o uplati za troškove postupka usklađivanja ili postupka odobravanja, ovjeren od strane banke (pošte) i priložen uz svaki red vožnje, prijevoznik može jednom uplatnicom uplatiti za sve polaske i povratke, s tim da na posebnom papiru napravi i ovjeri spisak svih polazaka i povrataka na koje se uplata odnosi;

- Za redove vožnje koje će se održavati u kooperaciji dostaviti Ugovor o kooperaciji koji sadrži slijedeće elemente: režim zajedničkog održavanja linije od strane kooperanata, način sticanja i raspodjele dobiti između kooperanata, način formiranja cijene i druge elemente, spisak polazaka i povrataka koje održava pojedini prijevoznik i u kojem periodu s tim da je i kooperant dužan dostaviti svu dokumentaciju potrebnu za provođenje ovog postupka i Ugovor mora biti potpisan od strane svih kooperanata koji su upisani na red vožnje i od organa nadležnog za ovjeru dokumenta;
- Spisak registrovanih redova vožnje- Prilog 4. Pravilnika ovjeren kod nadležnog organa za ovjeru dokumenata koji sadrži popis svih registrovanih redova vožnje, naziv linija i kooperanata sa kojim iste održava, broj polazaka i povrataka razvrstanih po rangu linije i organu koji je izvršio registraciju reda vožnje, kao i broj međuentitetskih redova vožnje sa nazivom kooperanta sa kojim taj red vožnje održava, vremena polaska i dolaska kao i vremena polaska i dolaska za svaki registrovani red vožnje, osim međunarodnih redova vožnje.

Dokaze iz stava 3. tačka B. alineja 1. i 2. Oglasa, po službenoj dužnosti pribavlja organ koji vodi postupak usklađivanja, ukoliko isti nije dostavio prijevoznik uz ostalu dokumentaciju.

U ovom slučaju, umjesto ovjerene kopije, Komisija će prihvatiti potvrdu ovjerenu od strane organa koji je ovlašten za izdavanje tih dokaza.

Uvjerenja i potvrde iz stava 3. tačke B. alineja 2. Oglasa, obavezno moraju imati navedeno da se izdaju u svrhu sudjelovanja na javnom postupku usklađivanja redova vožnje.

4. Prijedlozi redova vožnje koji se dostavljaju na usklađivanje moraju sadržavati oznake, deklaracije i druge podatke unesene u propisane obrasce i moraju se dostaviti u 2 primjerka i u elektronskoj formi.

5. Redovi vožnje moraju biti urađeni u skladu sa važećim zakonskim propisima i usklađeni sa daljinarom i minimalnim vremenima vožnje za autobuusne linije na području Federacije Bosne i Hercegovine (područje općine Breza – općinske linije), koji je sastavni dio Pravilnika o načinu, kriterijima i postupku za određivanje daljinara i minimalnih vremena vožnje („Službene novine FBiH“ broj: 65/07, 33/11, 57/12, 65/12, 88/13, 91/14 i 23/15).

6. Zahtjev sa kompletnom dokumentacijom za usklađivanje i registraciju redova vožnje dostaviti na adresu

**OPĆINA BREZA**  
**Služba za privredu**  
**„Komisija za usklađivanje i registraciju redova vožnje“**  
**ul. Bogumilska br. 1**  
**71370 BREZA**

u zatvorenoj koverti sa obaveznom naznakom „USKLAĐIVANJE REDOVA VOŽNJE – NE OTVARATI!“

7. Zahtjeve sa propisanom dokumentacijom zainteresovani prijevoznici dužni su dostaviti u roku od 40 dana od dana objave oglasa u „Službenom glasniku Općine Breza“.

8. U postupak usklađivanja neće biti uvršteni redovi vožnje koji nisu urađeni u skladu sa Pravilnikom, tj. redovi vožnje koji imaju nedostatke navedene u članu 19. Pravilnika. Usklađivanje starih redova vožnje sa daljinarom i minimalnim vremenima vožnje se ne

smatra promjenom reda vožnje.

Nepotpuni i neblagovremeni zahtjevi neće biti razmatrani i neće biti uvršteni u postupak usklađivanja općinskih redova vožnje.

Prijevoznici mogu dobiti sve potrebne informacije u Službi za privredu Općine Breza ili na broj telefona 032 /786 - 060, kontakt osoba Salih Hasanspahić .

Za prisustvovanje javnom otvaranju prispjele dokumentacije u prostorijama Općine Breza, kontaktirati će se svi subjekti koji su konkurisali na Javni oglas.

Dostavljeno:

1x Oglasna ploča  
1x web administrator  
1x Općinski načelnik  
1x 02/1  
1x a/a

Pomoćnik načelnika

Salih Hasanspahić, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
**Općina Breza**  
Općinski načelnik

Broj: 01/2-05-1569/17  
Breza, 06.06.2017. godine

Na osnovu člana 24. Zakona o cestovnom prijevozu FBiH (Službene novine FBiH“ broj: 28/06, 2/10 ) i člana 4. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine FBiH“ broj: 79/13, 91/14, 98/14 i 84/15) u skladu sa Rješenjem o pokretanju postupka usklađivanja i registracije redova vožnje za linijski prevoz putnika na području općine Breza za 2018.-2021. godinu (Broj: 01/2-27-1568/17 od 06.06.2017. godine ) Općinski načelnik d o n o s i

## **R J E Š E N J E**

### **o imenovanju Komisije za usklađivanje i registraciju redova vožnje za linijski prevoz putnika na području općine Breza**

#### Član 1.

Imenuje se Komisija za usklađivanje i registraciju redova vožnje za linijski prevoz putnika na području općine Breza.

#### Član 2.

U sastav Komisije za usklađivanje i registraciju redova vožnje imenuju se:

1. Akif Smailhodžić, predsjednik
2. Dijana Vrljićak, član
3. Ajsela Silajdžić, član
4. Eldina Dervišević, sekretar (zapisničar)

**Član 3.**

Komisija počinje sa radom danom završetka Javnog oglasa gore navedenog postupka i radi do okončanja postupka usklađivanja i registracije redova vožnje.

Sekretar Komisije nema pravo glasa, a zadatak mu je da vrši administrativne poslove za Komisiju. Rok za dostavu izvještaja o usklađivanju je najkasnije sedam dana po okončanju postupka usklađivanja.

**Član 4.**

Komisiji za usklađivanje redova vožnje pripada naknada čija visina će biti utvrđena posebnim rješenjem Općinskog načelnika ili Ugovorom o djelu.

**O b r a z l o ž e n j e**

Članom 4. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine FBiH“ broj: 79/13, 91/14, 98/14 i 84/15) i članom 3. Rješenja o pokretanju postupka usklađivanja i registracije redova vožnje za linijski prevoz putnika na području općine Breza za 2018.-2021. godinu ( broj: 01/2-27-1568/17 od 06.06.2017. godine) utvrđeno je da postupak usklađivanja provodi Komisija za usklađivanje i registraciju redova vožnje. Članom 4. stav 4. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine FBiH“ broj: 79/13, 91/14, 98/14 i 84/15) Komisiji za rad pripada pravo na naknadu.

Na osnovu naprijed navedenog Općinski načelnik donosi Rješenje o imenovanju Komisije za usklađivanje redova vožnje za linijski prevoz osoba za područje općine Breza.

Dostavljeno:  
4x Komisija  
1x Oglasna ploča  
1x a/a

Općinski načelnik:  
mr.sci. Munib A. Zaimović, s.r.

Bosna i Hercegovina  
Federacija Bosne i Hercegovine  
Zeničko-dobojski kanton  
**Općina Breza**  
Općinski načelnik  
Broj: 01/2-27-1568/17  
Breza, 06.06.2017. godine

Na osnovu člana 24. Zakona o cestovnom prijevozu FBiH (Službene novine FBiH“ broj: 28/06, 2/10 ) i člana 4. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine FBiH“ broj: 79/13, 91/14, 98/14 i 84/15) Općinski načelnik d o n o s i

**R J E Š E N J E**

**o pokretanju postupka usklađivanja i registracije redova vožnje na linijski prevoz putnika sa područja općine Breza za 2018./2021. godinu**

**Član 1.**

Pokreće se postupak usklađivanja i registracije redova vožnje za linijski prevoz putnika na području općine Breza za 2018./2021. godinu.

**Član 2.**

Predmet ovog Rješenja je usklađivanje linija autobusnog javnog prevoza za općinske linije kako je definisano po relacijama Daljinarom i minimalnim vremenima vožnje za autobuske linije na području Federacije Bosne i Hercegovine (ZDK, područje općine Breza).

**Član 3.**

Postupak usklađivanja iz člana 1. ovog Rješenja obaviti će Komisija za usklađivanje i registraciju redova vožnje.

Datum početka i završetka rada Komisije iz stava 1. ovog člana, rok za dostavu izvještaja o usklađivanju nadležnom organu za usklađivanje i registraciju redova vožnje, bit će propisan posebnim rješenjem.

**Član 4.**

Visina naknade za troškove provođenja usklađivanja i registracije redova vožnje za svaki predloženi polazak, odnosno za svaki predloženi povratak iznosi:

- Za novi red vožnje	35,00 KM
- Za stari red vožnje sa promjenom	35,00 KM
- Za stari red vožnje	35,00 KM

Visina naknada za troškove rješavanja prigovora u postupku usklađivanja prijedloga redova vožnje za svaki predloženi polazak, odnosno za svaki predloženi povratak iznosi 15,00 KM.

**Član 5.**

Sredstva se uplaćuju na žiro račun općine Breza, otvoren kod Uni Credit Bank, broj: 338900221134209,, identifikacijski broj: 4218188870007, vrsta prihoda 722135, broj općine 016, sa naznakom „Za usklađivanje i registraciju redova vožnje općinskih linija“.

**Član 6.**

Javni oglas o pokretanju postupka usklađivanja ili odobravanja i registracije redova vožnje za linijski prijevoz putnika na općinskim autobuskim linijama kao i potrebnim vjerodostojnim dokazima za usklađivanje ili odobravanje i registraciju redova vožnje će se objaviti u „Službenom glasniku Općine Breza“, u jednom pisanom mediju-dnevnom listu koji se distribuira na području cijele Federacije BiH, istači na oglasnoj tabli općine i na web stranici Općine [www.breza.gov.ba](http://www.breza.gov.ba).

**Član 7.**

Rješenje stupa na snagu danom donošenja.

Dostavljeno:  
4x Komisija  
1x Oglasna ploča  
1x web administrator  
1x a/a

Općinski načelnik:  
mr.sci. Munib A. Zaimović, s.r.

**S A D R Ž A J**

146. Odluka o stavljanju van snage Odluke o usvajanju izmjena i dopuna Prostornog plana Općine Breza za period do 2029 godine i Odluke o provođenju izmjena i dopuna Prostornog plana Općine Breza za period do 2019 godne.
146. Odluka o kriterijima i postupku ostvarivanja prava iz oblasti socijalne zaštite porodice sa djecom i podsticanja nataliteta i prava na novčanu i drugu materijalnu pomoć pod povoljnijim uslovima na području Općine Breza.
150. Odluka o dodjeli u zakup poslovne prostorije u zgradi „Radničkog doma“.
151. Odluka o dodjeli u zakup poslovne prostorije u zgradi „Radničkog doma“.
152. Zaključak o usvajanju Izvještaja o radu Općinskog načelnika i službi za upravu za 2016 godinu.
153. Zaključak o usvajanju Izvještaja o redovnom održavanju cesta i objekata u zimskim uvjetima za 2016/2017.
153. Zaključak o usvajanju Izvještaja o izvršenju Budžeta Općine Breza za period od 01.01.2017 do 31.03.2017 godine.
154. Zaključak o davanju podrške pismu namjere upućeno do strane EKO KRUG d.o.o. Breza.
154. Zaključak o nastavku mjera postizanja Operativnih ciljeva , a time i navedenog strateškog cilja trajanog rješavanja problema upravljanja otpadom na području Općine Beza, a koje su utvrđene Zakonom i podzakonskim aktima.
155. Rješenje o konačnom imenovanju članova Upravnog odbora Općie biblioteke „Muhamed Kantardžić „Breza
156. Rješenje o konačnom imenovanju članova Upravnog odbora JU Dom zdravlja Breza
157. Rješenje o konačnom imenovanju članova Upravnog odbora JU Obdanište „Umihana Čuvidina“ Breza.
158. Odluka o javnom redu i miru (Prečišćeni tekst).
162. Javni oglas o pokretanju postupka usklađivanja i registracije redova vožnje za linijski prevoz putnika na općinskim autobusnim linijama.
165. Rješenje o imeovanju Komisije za usklađivanje i registraciju redova vožnje za činijski prevoz putnika na području općine Breza.
166. Rješenje o pokretanju postupka usklađivanja i registracije redova vožnje na linijski prevoz putnika sa područja općine Breza za 2018/2021. godinu.
168. Sadržaj: